

Қазақстан Республикасының Парламенті

Қазақстан Республикасының
Конституциялық Заңы. 1997
жылғы 19 маусымдағы N 130

Парламент Республики Казахстан

Қазақстан Республикасының әкімшілік-аумақтық құрылысындағы өзгерістер жағдайындағы жергілікті өкілді органдар жүйесі туралы

1-бап.

1. Мыналар өзінің өкілеттігін сақтайды және:

1) Талдықорған облыстық мәслихатының депутаттары - Алматы облыстық мәслихатының;

2) Жезқазған облыстық мәслихатының депутаттары - Қарағанды облыстық мәслихатының;

3) Семей облыстық мәслихатының депутаттары - Шығыс Қазақстан облыстық мәслихатының;

4) Көкшетау облыстық мәслихатының депутаттары - Солтүстік Қазақстан облыстық мәслихатының депутаттары болып табылады деп белгіленсін.

2. Торғай облыстық мәслихатының депутаттары өз өкілеттігін сақтайды және:

1) егер олар таратылған Торғай облысының Державин, Жақсы, Жаңадала, Есіл және Қима аудандарынан сайланса, Ақмола облыстық мәслихатының;

2) егер олар таратылған Торғай облысының Арқалық қаласынан, Арқалық, Амантоғай, Амангелді, Жангелдин және Октябрь аудандарынан сайланса, Қостанай облыстық мәслихатының депутаттары болып табылады деп белгіленсін.

2-бап.



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

1. Облыстар таратылған, олар қайта ұйымдастырылған жағдайда облыстық, аудандық (қалалық) мәслихаттардың депутаттары өз өкілеттігін сақтап қалады және таратылған әкімшілік-аумақтық бөлініс қосылған әкімшілік-аумақтық бөлініс мәслихатының депутаттары болып табылады.

2. Облыстардың әкімшілік-аймақтық құрылысы өзгерген жағдайда аудандық (қалалық) мәслихаттардың депутаттары өз өкілеттігін сақтап қалады және:

- 1) таратылған ауданның аумағы қосылатын ауданның (қаланың);
- 2) аудандық маңызы бар деген мәртебе алған осы қала қарамағына жатқызылған аудан мәслихатының депутаттары болып табылады.

3. Облыстың, ауданның (қаланың) аты өзгертілген жағдайда аты өзгертілген облыс, аудан (қала) мәслихаттарының депутаттары қайта сайланбайды және аты өзгертілген әкімшілік-аумақтық бөліністер мәслихаттарының депутаттары ретінде өз өкілеттігін сақтап қалады.

3-бап.

1. Осы Заң 1994 жылғы 7 наурызда сайланған жергілікті өкілді органдардың, сондай-ақ кейінірек, Қазақстан Республикасы Президентінің "Қазақстан Республикасындағы сайлау туралы" Конституциялық заң күші бар Жарлығына сәйкес сайланған жергілікті өкілді органдардың өкілеттік мерзімі аяқталғанға дейін күшінде болады.

2. Алып тасталды - Қазақстан Республикасының 1999.07.20. N 442 Заңымен.

Қазақстан Республикасының Президенті